

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 525 del 27/02/2023

Traduzione in ladino

Na televizion sperimentèla per la mendranzes Linguistiches storiches del Trentin

Aldò del swich off de TML – Tele Mendranzes Linguistiches, l canal dedicà a la mendranzes linguistiches storiches del Trentin, l Servije Mendranzes linguistiches locales de la Provinzia autonoma de Trent l à dezidù de meter a jir n servije sperimentèl de HBBTV (Hybrid Broadcast Broadband TV), la televizion ibrida da chela che vegn manà fora programes tras cavo de antena e cavo de rei, evolucion de la smart TV.

L é stat publicà donca n avis de enrescida per binèr su la comunicazioms de enteres di operadores del setor che aessa chela de se tor su a cèria, per un an, chest projet sperimentèl. Se trata de n servije de trasmiscion tras HBBTV de prodoc video su la mendranzes linguistiches zimbres, ladines e mochenes, per la maor pèrt tel lengaz de la mère, che tol ite notizières, servijes de aprofondiment, programes educatives e scolastics.

L projet l é stat sotmetù al parer de la Conferenza de la Mendranzes, l orghen più emportant e raprezentatif de la comunitèdes linguistiches de mendranza storiches, che à dat ju l parer a favor, con chela de ge arsecurèr a duta la trei popolazioms de mendranza l derit de aer informazioms audiovisives te sie lengaz, descheche perveit la normes provinzièles.

I detaes del avis, de chel che i termins i jirà fora en lunesc ai 6 de mèrz del 2023 da mesdì, i é publiché su la piata internet de la Provinzia autonoma de Trent druca chest link:
<https://sicopat2.provincia.tn.it/pubblicazioni/#/avvisi/dettaglioavvisi?id=75&codiceSA=SA00000845&codice=>

Traduzion di Servijes Linguistics e Culturèi del Comun general de Fascia

(cdt)